



Uunga  
Inatsisartuni ilaasortaq  
Agathe Fontain  
-/ maani

**Pinngitsaaliissummik unitsinneqartut pillugit § 37.1 nr. 112/2014- mut akissut.**

18. juni 2014  
Suliap nr. 2014-100388  
All. Nr. 16096533700

Ukiuni kingullerni pinngitsaaliissummik unitsinneqartut pillugit Inatsisartunut ilaasortap Agathe Fontain-ip ataani apeqquteqaataa pillugu qutsavigaara.

Postboks 1160  
Tlf: 34 50 00  
Fax: 32 55 05  
3900 Nuuk

**Ukiuni kingullerni Dronging Ingrid-ip Napparsimavissuanut A1-mut pinngitsaalisallutik unitsitaasut qanoq amerlatigippat? Matumani ukiut 2009, 2010, 2011, 2012 & 2013 pineqarput.**

Email: pn@nanoq.gl  
www.nanoq.gl

Napparsimasut namminneq piumassutsiminnik unitsitaajumangikkaangata aatsaat pinngitsaaliissummik unitsitsisoqartarpoq.

Nakorsap tarnimikkut nappaatilinnut immikkoortortami sulisuunngitsup inuk pineqartooq tarnimigut nappaateqarsorippagu, tamatumunngaluunniit assingusumik nappaateqarsorippagu, napparsimasorlu nakorsarneqanngikkuni annertuumik ajorseriaateqarsinnaasorinarpat, pinngitsaaliissummik unitsitsisoqarsinnaavoq. Taama pinngitsaaliissummik unitsitsineq katsorsartittariaqarnermik tunngavilittut (nakorsap naliliineratut) taaneqartarpoq. Inuk tarnimigut napparsimasorineqarpat immilnut allanulluunniit navianartorsiortitsisinnaappat, navianaatilittut (politiit akuliutsinneqarnerisigut) unitsinneqarsinnaavoq.

Pinngitsaaliissummik unitsitat	2008	2009	2010	2011	2012	2013	2014 maannamut
Nakorsap naliliineragut	11	9	5	8	4	6	2
Politiit akuliutsinneqarnerisigut	29	26	21	12	17	11	12
Katillugit	40	35	26	20	21	17	14

Tarnimikkut nappaatillit pillugit inatsisip nutaap 2013-imeersup pinngitsaaliissummik unitsitaasut amerlassusaannut sunniuteqarsinnaanerata naliliiviginissaa sulii siusippallaarpoq, annikitsuinnarmilli sunniuteqarnissaa naatsorsuutigineqarluni.

Inussiarnersumik inuulluaqqusillunga

Steen Lyngé

Peqqissutsimut Attaveqarnermullu Naalakkersuisoq